

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“ broj 30/19), Naredbe Ministarstva za obrazovanje, nauku i mlade Kantona Sarajevo broj: 11-34-31987/20 od 26.08.2020. godine i Naredbe Kriznog štaba Federalnog ministarstva zdravstva br: 01-33-3510/20 od 12.06.2020.godine, direktorica Škole donosi:

KRIZNI PLAN PRIPRAVNOSTI I ODGOVORA NA POJAVU NOVOG KORONAVIRUSA (COVID-19)

Ovim Planom se poduzimaju preventivne mjere u cilju usmjeravanja radnika JU OŠ „Šejh Muhamed ef. Hadžijamaković“ Sarajevo u okolnostima izazvanim pojavom koronavirusa (COVID 19).

I RADNICI ŠKOLE, UČENICI I OSTALI POSJETIOCI

- Smanjenje fizičkih kontakata

Svi radnici Škole u obavezi su da smanje broj direktnih kontakata, posebno na udaljenosti manjoj od dva metra.

Svi radnici Škole moraju se pridržavati mjera fizičke udaljenosti i ukoliko borave u zajedničkim prostorijama moraju poštovati mjeru razmaka 2m.

- Smanjenja radnih sastanaka

Svi radnici Škole u obavezi su da održavaju sastanke video vezom kad god je to moguće, te pojačati telefonsku i e-mail komunikaciju.

Preporučuje se da se sastanci/sjednice u Školi održavaju online ili, ako je to neophodno, u zatvorenom prostoru sa ne više od 50 osoba uz obavezno nošenje maski i poštivanje fizičke distance ne manje od 2 metra.

Sastanci/sjednice održavaju se održavaju se na način da se poštuju mjere fizičke distance i obavezno nošenje zaštitnih maski.

U slučaju neophodne potrebe , može se organizovati rad od kuće ukoliko takva mogućnost postoji.

- Mjerenje temperature i praćenje pojave simptoma kod radnika

Svakodnevno, prilikom dolaska na posao, radnicima se beskontaktnim toplomjerom mjeri tjelesna temperatura i utvrđuje imaju li respiratornih ili drugih simptoma koji se mogu povezati sa oboljenjem COVID 19. Evidencija o vrijednostima izmjerene tjelesne temperature i eventualnom postojanju respiratornih i drugih simptoma upisuje se u zasebnu evidenciju.

Nije dozvoljeno raditi sa temperaturom i svaki radnik koji tokom radnog vremena posumnja ili utvrdi da ima povišenu temperaturu ili bilo kakve respiratorne ili druge simptome bolesti obavezno se mora prijaviti rukovodiocu, te nadležnom Domu zdravlja, kako bi se dobili savjeti i instrukcije. U slučaju saznanja da je mogući prenositelj mogući izvor infekcije, svaki radnik dužan je odmah obavijestiti menadžment škole i neposrednog rukovodioca.

- Mjerenje temperature i praćenje pojave simptoma kod učenika i ostalih posjetitelja

Ukoliko dijete ima simptome bolesti- respiratorne, crijevne infekcije, povišena tjelesna temperatura i sl. ili roditelj posumnja na početak bolesti (malaksalost, kašalj, gubitak čula mirisa i okusa i sl.) ne dovoditi dijete u školu, već konsultovati nadležnog ljekara.

Prije dolaska učenika u školu, roditelji su obavezni izmjeriti mu tjelesnu temperaturu. Škola zadržava pravo mjerenja temperature učenicima.

Ulazak roditelja/staratelja i drugih posjetitelja u školu svesti na minimum. Roditelji/staratelji učenike dovode i odvođe na način da, ako je ikako moguće, ne ulaze u Školu, već dolaze do ulaza u dvorište pri čemu poštuju fizičku distancu od najmanje 2m u odnosu na druge roditelje/staratelje i učenike.

Prilikom dolaska u Školu roditelji/staratelji i drugi posjetitelji su obavezni da ispune obrazac kojim izjavljuju da su zdravi, da nemaju temperaturu niti respiratorne simptome i da nisu imali kontakt sa osobom koja je pozitivna na COVID-19, pri čemu im se mjeri temperatura i upisuje u zasebnu evidenciju.

- Radnici

Svi radnici su prilikom dolaska u Školu, pored pridržavanja osnovnih mjera prevencije nastanka i širenja COVID 19, obavezni su da ispune obrazac kojim izjavljuju da su zdravi da nemaju temperaturu niti respiratorne simptome i da nisu imali kontakt sa osobom koja je pozitivna na COVID-19.

- Obaveza obavještanja u slučaju pojave simptoma zaraze korona virusom

Svi radnici Škole, kao i učenici su, u slučaju pojave simptoma zaraze korona virusom (povišena temperatura/suhi kašalj), obavezni ostati kod kuće, te o tome obavijestiti nadležnu zdravstvenu ustanovu i poslodavca. Na isti način dužnost svih radnika je postupiti i u slučaju kontakta sa oboljelom osobom od korona virusa.

- Operativni tim za dalje poduzimanje neophodnih aktivnosti

Direktor škole imenuje Tim za dalje poduzimanje neophodnih aktivnosti u vezi sa sprečavanjem širenja zaraze u radnim prostorijama Škole, te u vezi sa istim donosi potrebna uputstva i instrukcije. Operativni tim se imenuje na prijedlog Nastavničkog vijeća.

- Prijave u vezi sa nepoštivanjem propisanih mjera

Sve prijave u vezi sa nepoštivanjem propisanih mjera utvrđenih ovim Kriznim planom dostavljaju se na e-mail: os.hridl@bihnet.ba.

- Nepridržavanje mjera utvrđenih Kriznim planom

Nepridržavanje mjera utvrđenih ovim Kriznim planom predstavlja kršenje odredbi Zakona o zaštiti stanovništva od zaraznih bolesti („Službene novine F BiH“, broj 29/05).

II MJERE HIGIJENE

- Ulazak u Školu

Radnici, učenici i svi drugi posjetioci su obavezni da prije ulaska u Školu dezinfikuju obuću u dezinfekcijskoj barijeri (gazište za obuću) postavljenoj na ulazu Škole. Potom, radnici i drugi posjetioci su obavezni da dezinfikuju ruke sredstvom za dezinfekciju postavljenom na ulazu u Školu, uz nošenje zaštitne maske za lice i održavanje fizičke distance u svim smjerovima najmanje 2m.

Prilikom ulaska u učionicu, nastavnik ponovo dezinfikuje ruke.

Učenici peru ruke prije ulaska u učionicu, prije i nakon jela, prije i nakon korištenja toaleta, nakon dolaska izvana, nakon kašljanja i kihanja, čišćenja nosa, kao i uvijek kada ruke izgledaju prljavo.

Učenici razredne nastave nisu obavezni nositi maske za vrijeme realiziranja nastavnog procesa, ostali učenici su obavezni nositi maske.

- Higijena

Svi radnici su dužni pridržavati se mjera higijene izdatih od nadležnih institucija.

- Provjetravanje, čišćenje i dezinfekcija prostora

Provjetravanje, čišćenje i dezinfekcija prostora će se provoditi u skladu sa Smjernicama za prevenciju i kontrolu infekcije COVID-19 u osnovnim i srednjim školama u Kantonu Sarajevo JU Zavoda za javno zdravstvo Kantona Sarajevo, i to naročito preporuke za održavanje prostorija i opreme i upute za čišćenje.

III PREPORUKE RADNICIMA I UČENICIMA

Svakodnevno praćenje i djelovanje u skladu sa naredbama, uputstvima i ostalim aktima nadležnih institucija i službi.

Krizni plan pripravnosti može se promijeniti u skladu sa epidemiološkom situacijom te naredbama i preporukama Federalnog ministarstva zdravstva, Ministarstva zdravstva Kantona Sarajevo, Federalnog štaba civilne zaštite i Štaba civilne zaštite Kantona Sarajevo.

Preporučuje se redovno informisanje putem web stranice Federalnog ministarstva zdravstva: <https://covid19.fmoh.gov.ba/>

Brošura o Covid 19 sa svim informacijama nalazi se na <https://szks.ba/covid-19/>

Krizni plan pripravnosti stupa na snagu danom donošenja i isti će biti objavljen na web stranici Škole, dostavljen svim radnicima škole putem e-maila i oglasnim pločama Škole.

Djelovodni broj: 01-1-328-05/20

Datum: 31.08.2020. godine





JU OŠ „ŠEJH MUHAMED EF. HADŽIJAMAKOVIĆ“

Broj: 01-1-328-05/20

Sarajevo, 31.08.2020. godine

Na temelju Naredbe Ministarstva za obrazovanje, nauku i mlade Kantona Sarajevo broj: 11-34-31987/20 od 26.08.2020. godine, direktorica JU OŠ „Šejh Muhamed ef. Hadžijamaković“ Sarajevo, donosi:

RJEŠENJE

o imenovanju operativnog tima za praćenje implementacije kriznog plana JU OŠ „Šejh Muhamed ef. Hadžijamaković“ Sarajevo u vrijeme epidemije

I – Formira se operativni tim za praćenje implementacije kriznog plana JU OŠ „Šejh Muhamed ef. Hadžijamaković“ Sarajevo u vrijeme epidemije Covid – 19, u sastavu:

2. Emina Džuho
3. Amra Oručević
4. Haris Habota
5. Senad Hatibović

II – Operativni tim za praćenje implementacije kriznog plana iz stava I ovog Rješenja ima slijedeća prava i dužnosti:

- učesće u izradi i evaluaciji kriznog plana ove Javne ustanove;
- učesće u analizi potrebne dokumentacije koja se odnosi na proces rada ove Javne ustanove;
- praćenje implementacije Uputstva o organizaciji i realizaciji odgojno-obrazovnog procesa;
- učesće u procjeni rizika u skladu sa epidemiološkom situacijom;
- saradnja sa svim organizacionim jedinicama u provođenju kriznog plana ove Javne ustanove.

III - Prava i obaveze imenovanih iz stava I ovog Rješenja počinju teći od 01.09.2020. godine.

Obrazloženje

Naredbom Ministarstva za obrazovanje, nauku i mlade Kantona Sarajevo broj: 11-34-31987/20 od 26.08.2020. godine, propisano je da organ rukovođenja - direktor ustanove imenuje operativni tim za praćenje implementacije kriznog plana u vrijeme epidemije Covid – 19 u skladu sa Smjernicama Ju Zavoda za javno zdravstvo kantona Sarajevo. Na osnovu izloženog, riješeno je kao u dispozitivu ovog Rješenja.

PRAVNA POUKA: Protiv ovog Rješenja može se izjaviti žalba Školskom odboru u roku od 30 dana od dana prijema istog.

Dostavljeno:

1. Naslovu,
2. a/a

